

Statutas  
Uniun da catschadurs Péz Fess



*Uniun da catschadurs  
Péz Fess*

## **I. Num e Domicil**

### **Art. 1**

Ils Catschadurs da patenta dallas vischnauncas da Castrisch, Sevgein, Riein, Pitasch e Duvin seconstitueschan sut il num „Uniun da catschadurs Péz Fess“ cun liug mintgamai al domicil d’il president e fagent part sco secziun dall’Uniun cantunala da catschadurs da patenta BKPJV.

## **II. Intent e finamira**

### **Art. 2**

L’uniun da catschadurs Péz Fess ha per finamira da formar ses commembers e promover in bien spert cun tgirar ils interess dils catschadurs:

- a) entras mantener la basa per ina sauna catscha da patenta en nies cantun.
- b) Entras ina buna tgira e bien quitau per ils animals selvadis en spezial cun defender e proteger il spazi vital per nossas selvaschinas: entras ina catscha comensurada duei il diember dallas selvaschinas restar sauns ed adataus al spazi da viver local.
- c) Entras esser commembers dall’uniun cantunala da catschadurs da patenta cun renconuscher lez statuts e reglaments.
- d) Entras persiquitar e sedar giu spirontamein cun fatgs e politica da catscha ed esser neutrals en fatgs da partidas politics e confesisiunalas.

## **III. Commembers**

### **Art. 3**

Appartenenza e representanza

All’unin da catschadurs Péz Fess appartegnan en principi catschadurs cun domicil ellas 5 vischnauncas numnadas egl art. 1.

Catschadurs senza domicil en ina dallas 5 vischnauncas tenor art. 1 che van en nossa regiun a catscha san era daventar commembers.

### **Art. 4**

Commembers A sa mo quel daventar che posseda il dretg d’ir a catscha, ed ei aunc buc commember da tschep en in’altra secziun dall’uniun cantunala, sco era commembers libers, d’honor, veterans e survigiladers da catscha.

Mintga commember A ha il dretg da:

- far propostas
- votar
- vegnir elegius
- seprofitar d’acziuns dall’uniun cantunala BKPJV
- separticipar a scadina occurenza organisada dall’uniun da catschadurs Péz Fess

Mintga commember A ei obligaus da:

- assistar allas radunonzas

- ademplir las obligaziuns finanzialas dall'uniun da catschadurs Péz Fess
- segidar tenor meglia saver e puder en tuttas spartas organisatoricas
- segidar tenor basegns vid la tgira d'animals selvadis

### **Art. 5** **Commembers B**

Commember B sa mintga commember A d'in autra secziun dall'uniun cantunala (BKPJV) daventar.

Mintga commember B ha ils medems dretgs e las medemas obligaziuns sco il commember A, priu ora en fatgs dall'uniun cantunala da catschadurs da patenta (art. 9 dallas statutas dalla uniun cantunala BKPJV).

### **Art. 6** **Commembers passivs/fauturs**

Commember passiv/fautur sa scadin/a simpatisant/a daventar che sustegn l'uniun da catschadurs Péz Fess moralmein e finanzialmein cun star en per ils dretgs dil catschadur Grischun e pagar la contribuziun annuala.

Mintga commember passiv/fautur ha il dretg da:

- assistar allas radunozas cun vusch consultativa (negin dretg da votar)
- segidar vida la tgira d'animals selvadis, sco era vid autras spartas organisatoricas dall'uniun da catschadurs Péz Fess
- separticipar al tir da catscha dall'uniun cantunala da catscha BKPJV

Mintga commember passiv/fautur ei obligaus da:

- pagar la contribuziun annuala
- sustener e star en per ils dretgs d'ils catschadurs

### **Art.7** **Commembers libers**

Commember liber daventan commembers A dall'uniun da catschadurs Péz Fess che cumpleneschan durant quei onn il 75avel gi da naschientscha ed eran durant 25 onns senza interrupziun commember A dall'uniun.

Mintga commember liber ha ils medems dretgs sco il commember A activ.

Mintga commember liber ei obligaus da:

- pagar la gasetta da catscha
- sustener e star en per ils dretgs d'ils catschadurs

### **Art. 8** **Recepciun da commembers**

La damonda da daventar commember dall'uniun da catschadurs Péz Fess ei da drizzar en scret al president cun indicar las persunalias. Sur il recepir ni renviar in commember decida l'uniun da catschadurs Péz Fess cul maun pli da radunonza generala.

Encunter in'eventuala refusada d'in commember A sa tal far recuors a scret tier la suprastonza centrala dall'uniun cantunala Grischuna da catschadurs da patenta (BKPJV) e quei enteifer 30 gis. La suprastonza centrala decida definitiv.

### **Art. 9** **Extrada da commembers**

In'extrada ord l'uniun da catschadurs Péz Fess ei da drizzar a scret al president sil pli tard 4 jamnas avon la radunonza generala.

Cun l'extrada sco commembre piarda quel tuts dretgs visavi l'uniun da catschadurs Péz Fess, sco era vid lezza facultad. Per igl onn current eis el denton aunc obligaus d'ademplir las obligaziuns finanzialas visavi l'uniun da catschadurs Péz Fess.

### **Art. 10** **Exclusiun da commembers**

Commembers che cunterfan als interess dall'uniun da catschadurs Péz Fess e sesutamettan buc a lezzas ordinaziuns, san tras ina radunonza generala cul maun pli vegnir exclud sco commember da tala.

Ei in commember en retard cun pagaments visavi l'uniun da catschadurs Péz Fess e paga malgrad admoniziun a scret buca las contibuziuns sil termin fixau, vegn el tras la radunonza generala sclus dall'uniun.

Commembers A ch'assistan buca alla radunonza generala senza perstgisar sufficienta san tras la radunonza generala vegnir sclus sco commembers.

Cun l'exclusiun d'in commember piarda quel tuts dretgs e regress visavi l'uniun da catschadurs Péz Fess e sia facultad.

Encunter in'exclusiun sa il pertucou recuorer a scret enteifer 30 gis tier la suprastonza centrala BKPJV. Quella decida definitivamein.

### **Art. 11** **Commembers d'honor dall'uniun**

Commember d'honor sa ina persuna ch'ei sefatga grondamein meriteivla per l'uniun da catschadurs Péz Fess ni en fatgs da catscha vegnir numnada entras la radunonza generala sin proposta dalla suprastonza.

Ils commembers d'honor gaudan vinavon ils dretgs tenor art. 4 alinea 2. Ein denton libers da tuttas taxas ed obligaziuns visavi l'uniun da catschadurs Péz Fess. Els duein vegnir undrai entras la surdada d'in present.

Miera in commember honorari ni in commember A, sche cumpogna ina delegaziun dall'uniun da catschadurs Péz Fess el tier il davos ruaus. Alla famiglia en malencurada vegn tarmess ina carta cun 200 francs.

### **Art. 12** **Distincziun da commembers**

A persunas che han en ina sparta ni l'otra prestau duront silmeins 10 onns ordvart bia lavur sigl intschesch dall'uniun da catschadurs Péz Fess (p. ex. sco suprastont, cau da tgira local etc.) sa la suprastonza surdar in present sco reconuschientscha.

Quella distincziun delibrescha denton buca dallas contribuziuns ed obligaziuns.

### **Art. 13**

#### **Undrientschas dall'uniun cantunala BKPJV**

Per commembers ch'ein sefatgs grondamein meriteivels visavi l'uniun cantunala BKPJV surdat lezza suandontas undrientgas:

- a) Distincziun da meret (Verdienstauszeichnung)
- b) Distincziun da tgira (Hegeauszeichnung)
- c) Commember honorari cantunal
- d) Commember liber cantunal
- e) Veteran cantunal

Il modus per far diever dallas suranumnadas undrientschas per in commember ei prescrets els artechels 12, 13, 14 e 15 dallas statutas dall'uniun cantunala BKPJV.

## **IV. Organisaziun**

### **Art. 14**

Ils organs dall'uniun da catschadurs Péz Fess ein:

- a) La radunonza generala
- b) La radunonza da primavera
- c) Las radunonzas extraordinarias
- d) La suprastonza
- e) Ils revisurs da quen
- f) La cumissiun da tgira

### **Art. 15**

#### **La radunonza generala**

La radunonza generala ha liung mintg'onn il meins schaner.

Igl onn da fatschenta cuozza mintgamai digl 1. da schaner tochen ils 31. da dezember.

L'invitaziun alla radunonza cun la gliesta da tractandas ei da tarmetter a scret a scadin commember silmeins 8 gis avon la radunonza. In cuort preavis duei vegnir publicaus avon la radunonza el feagl uffical dalla Surselva.

Tractandas dalla radunonza generala ein:

- 1) Appel ed elecziun da dus dumbra-vuschs
- 2) Approbaziun dalla gliesta da tractandas
- 3) Prelecziun ed approbaziun dil protocol
- 4) Rapport dil president
- 5) Rapport annual dil cau da tgira

- 6) Rendaquen, rapport dils revisurs ed approbaziun dil quen
- 7) Fixaziun dallas contribuziuns annualas
- 8) Orientaziun ed approbaziun dil programm da lavur
- 9) Conclus sur midadas da statutas e reglaments
- 10) Conclus sur propostas per mauns dalla suprastonza centrala
- 11) Recepziun da novs commembers e mutaziuns
- 12) Elecziuns per ina perioda d'uffeci da 2 onns:

- dalla suprastonza
- dils revisurs da quen
- dalla cumissiun da tgira (caus da tgira locals)

13) Honoraziuns

14) Varia

Propostas da commembers per mauns dalla radunonza ein d'inoltrar en scret alla suprastonza silmeins 10 gis avon la radunonza.

Sur propostas che figureschan buca sin la gliesta da tractandas sa la radunonza prenda decisiun mo sche 2/3 dils presents (commembers A) ein persuerter.

### **Art. 16 Elecziuns e votaziun**

Elecziuns vegnan en principi fatgs cun maunpli. Reselvau ein las disposiziuns egl artechel 23 e 24 da questas statutas. Elecziuns en scret vegnan fatgas sin proposta dalla suprastonza, ni sche 1/5 dils commembers presents pretendan quei. Tier elecziuns drova ei egl empren scrutini il absolut pli, el secund scrutini il relativ pli. Tier fatschentas materialas vegnan las votaziuns fatgas cun maunpli.

Ein las parts ulivas vala il suandont:

- tier elecziuns decida la sort;
- tier autras fatschentas dat il president la decisiun.

### **Art. 17 Radunonzas etraordinarias**

Radunonzas etraordinarias san vegnir convocadas entras la suprastonza ni sin exprimiu giavisch da silmeins 1/5 dils commembers A.

Concernend l'invitaziun valan las medemas determinaziuns sco en questas statutas, art. 14 ainea 2.

### **Art. 18 La suprastonza**

Ella suprastonza duein tenor pusseivladad tuttas 5 vischnaucas vegnir risquardadas. La suprastonza consista ord:

- a) President
- b) Actuar/vicepresident
- c) Cassier
- d) Cau da tgira

e) Consesent

La suprastonza ei igl organ executoric dall'uniun da catschadurs Péz Fess. Ella diregia tuttas fatschentas adminastrativas ed organisatoricas dall'uniun da catschadurs Péz Fess, ed ei cumpetenta da decider sche silmeins 3 commembers ein presents.

La suprastonza sa decider sur d'expensas entochen frs. 500.- per onn.

En caussas da tgira ei la cumpetenzza exclusivamein tier la suprastonza.

La suprastonza, excepriu il president ed il cau da tgira seconstituescha sesezza.

## Art. 19

La suttascripziun giuridica per l'uniun da catschadurs Péz Fess

- a) en caussa d'adminastraziun: il president ensemen cun igl actuar
- b) en caussa finanzas: il president ensemen cun il cassier
- c) en caussa tgira: il president cun il cau da tgira

## Art. 20

### Pensums dalla suprastonza

**Il president** survigilescha e coordinescha tuttas fatschentasdall'uniun da catschadurs Péz Fess. El meina las sesidas da suprastonza e las radunonzas. Medemamein exequescha el tutta corrispondenza, procura il raport annual, survigilescha el ils ulterius suprastonz e representa l'uniun Péz Fess anoviars. Sche treis commembers da suprastonza pretendan ina sesida eis el obligaus da clamar ensemen la suprastonza.

**Igl actuar** (vicepresident) redegia ils protocols da tuttas radunonzas, sesidas da suprastonza ed autras sedutas. El duei era menar ina cuorta cronica sur occasiuns da pli gronda muntada. Sur da occurenzas ni evenimens d'ina certa impurtonza duei el rapportar ella gasetta dil gi ni en quella da catschadurs. Plinavon segida el cul president e remplazza lez en cass d'absenza.

**Il cassier** meina la cassa ed aministrescha la facultad dall'uniun da catschadurs Péz Fess. El fa igl incasso dallas contribuziuns, tarmetta a temps las mutaziuns per la gliesta da commembers e fa quen cul cassier central. Plinavon meina el ina exacta gliesta da tuts commembers. Ina gada ad onn avon la radunonza generala metta el a disposiziun il quen als revisurs.

**Il cau da tgira** ei responsabels per in continuau menaschi da tgira pils animals selvadis conform al reglament da tgira cantunal BKPJV, al concept da tgira dil district da catscha II (Glenner) ed al reglament da noss'uniun.

El survigilescha ils caus da tgira (locals) dallas vischnaucas e procura per mauns dalla radunonza in rapport annual sur da sias acziuns. El ei organ da survigilonza tier la punctaziun da trofeas. En fatgs da tgira representa el l'uniun anoviars.

**Il consesent** sustegn il cassier/president en caussas administativas.

## Art. 21

### Ils revisurs da quen

La radunonza elegia dus revisurs da quen. Ils revisurs controleschan mintg'onn avon la radunonza generala ils quens e rendan rapport en scret alla radunonza generala. Els han il dretg da controllar quens e protocols.

## **Art. 22** **La cumissiun da tgira**

La cumissiun da tgira secumpona da 6 personas, numnadamein:

- a) il cau da tgira sco president
- b) 5 caus da tgira locals dallas vischnaunca

Scadin cau da tgira sa era appartaner alla suprastonza dall'uniun Péz Fess.

Il cau da tgira organisescha igl entir menaschi da tgira dall'uniun da catschadurs Péz Fess ensemen cun ils caus da tgira locals tenor art. 19 alinea 5 dallas statutas.

Ils caus da tgira locals ein responsabels en lur vischnaunca pil menaschi da tgira, els precuran per sufficient personal dad exequir igl entir menaschi da tgira e datan giu lur rapport en scret al cau da tgira dall'uniun da catschadurs Péz Fess.

Pli detagliadas determinaziuns pertucont la tgira ein reglementadas en in special reglement da tgira dall'uniun da catschadurs Péz Fess sco era el regulativ cantunal da tgira.

## **V. Finanzas**

### **Art. 23** **Las contribuziuns annualas**

Las contribuziuns annualas dils commembers A (commembers da tschep), commembers B e dils commembers C vegnan fixadas dalla radunonza generala sin proposta dalla suprastonza. Ils commembers dalla suprastonza dall'uniun da catschadurs Péz Fess sco era ils commembers honoraris ed ils commembers libers (BKPJV) pagan negina contribuziun annuala.

Per ils suranumnai commembers (art. 22, alinea 2) surpren l'uniun Péz Fess la taxa per igl abbonament dalla gasetta da catschadurs (catschadur Grischun).

Als delegai alla radunonza cantunala BKPJV paga l'uniun Péz Fess las spensas da viadi, la tscheina plus il star sur notg sch`ins sa buca pretender il retuorn la notg muort la distanza.

## **VI. Determinaziuns finalas**

### **Art. 24** **Ina revisiun**

Ina revisiun parciala ni totala da questas statutas ei resalvada alla radunonza generala. Quella ei autorisada da decider sche tala ei publicada sin la gliesta da tractandas.

Las midadas ston vegnir acceptadas cun ina maioritad da silmeins 2/3 dallas vuschs dils commembers presnts.

### **Art. 25**

## **La soluziun**

La soluziun dall'uniun da catschadurs Péz Fess sa succeder mo sche il diember dils commembers A sesminuescha sut 15 ed igl ei els proxims onns buca da quintar cun in carschament da commembers.

Tier ina solaziun dall'uniun da catschadurs Péz Fess va igl entir menaschi da facultad da casa e protocols vi alla suprastonza centrala BKPJV per administraziun per ina eventuala secziun.

Vegn ei enteifer 20 onns fundau negina uniun da catschadurs sil territori dall'uniun da catschadurs Péz Fess, croda la facultad vi all'uniun cantunala BKPJV.

## **Art. 26**

Questas statutas ei vegnidas approbadas dalla radunonza generala dils 25.01.2014 e remplaza las statutas d'igl 1 da schaner 1973 e van en vigur suenter l'appobaziun entras la suprastonza centrala BKPJV.

En num dall'uniun da catschadurs Péz Fess:

Il president:

Igl actuar:

Adrian Knöpfel

Robert Buchli

## **Approbaziun entras la suprastonza centrala**

Las presentas statutas dall'uniun da catschadurs Péz Fess dils 25.01.2014 ein vegnidas approbadas dalla suprastonza centrala BKPJV ils \_\_\_\_\_

Il president central:

Igl actuar central:

\_\_\_\_\_

\_\_\_\_\_